

**Gielddaráđdehus**

|                       |                                                                                            |              |
|-----------------------|--------------------------------------------------------------------------------------------|--------------|
| <b>Áigi</b>           | 02.12.2025 dmu 13:00 – 18:05                                                               |              |
| <b>Báiki</b>          | Hybridačoahkkinn, gielddadálu váldostivrasále dahje teams-heivehus                         |              |
| <b>Čoahkkinnáššit</b> |                                                                                            |              |
| <b>Ášši</b>           | <b>Bajilčála</b>                                                                           | <b>Siidu</b> |
| § 210                 | Čoahkkima lágalašvuohta ja mearridanváldi                                                  | 3            |
| § 211                 | Beavdegirjji dárkkisteaddjiid válljen                                                      | 4            |
| § 212                 | Čoahkkima bargoortnega dohkkeheapmi                                                        | 5            |
| § 213                 | Spiehkastatlohpeohcamuš, Tenontie 737 stivli                                               | 6            |
| § 214                 | Dili birra oanehaččat                                                                      | 9            |
| § 215                 | Ruhtadili birra oanehaččat                                                                 | 10           |
| § 216                 | Gávpenannejeaddji giddodatluohpadanalmuhusat ja gieldda ovdaoastinvuoigatvuođa geavaheapmi | 11           |
| § 217                 | Bušeahhtaárvalus jahkái 2026 ekonomiiaplánat jagiide 2026-2028                             | 12           |
| § 218                 | Ohcejoga gieldda stivrenrávvaga beaivádeapmi                                               | 14           |
| § 219                 | Ohcejoga gieldda bargoveahkaráva                                                           | 15           |
| § 220                 | Ohcejoga gieldda luohttámušolbmuid bálkánjuolggadus                                        | 16           |
| § 221                 | Ovddidanjođiheaddji virggi deavdin                                                         | 17           |
| § 222                 | Mearrerruhta nuppástusat jahkái 2025, guovddášhálddahus                                    | 19           |
| § 223                 | Ohcejoga gieldda boarrásiid- ja doaibmaváttogiidráđi nammadeapmi                           | 20           |
| § 224                 | Váldostivrra 6.11.2025 čoahkkima ollašuhttin                                               | 21           |
| § 225                 | Ohcejoga nuoraidráđi álgga pride-levgemis                                                  | 22           |
| § 226                 | Davvi-Lappi guovloovttasbarggu gielddaidovttastumi vuodđosoahpamuš ja stivrenráva          | 23           |
| § 227                 | Evttohus prográmmabaji 2014-2020 ja sirdásanbaji 2021-2022 gieldaruđaid máhcaheamis        | 24           |
| § 228                 | Lassemearrerruhta Seitakartano ja rabasbálvalanguovddáža vistedutkamii.                    | 25           |
| § 229                 | Doaibmaorgánaid mearrádusat                                                                | 26           |
| § 230                 | Áššit diehtun                                                                              | 27           |
| § 231                 | Lassemearrerruhta eará ovttasdoaibmanossodagaide                                           | 28           |
| § 232                 | Lassemearrerruhta áššedovdibálvalusaide                                                    | 29           |
| § 233                 | Lassemearrerruhtaohcamuš eará sadjái sirdon oahppiid goli                                  |              |

## Oasseváldit:

|        | Namma                                                                                                                                                                                            | Bargu                                                                                                                                                                                                | Lassedieđut |
|--------|--------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------|-------------|
| Mielde | Tieva-Niittyvuopio Vuokko<br>Moilanen Mateusz<br>Länsman Vesa<br>Rasmussen Riikka<br>Länsman Nilla-Pekka<br>Lukkari Sammol<br>Kontio Oskari<br>Aikio Mika<br>Guttorm Väinö<br><br>Nordberg Aulis | ságadoalli<br>várreságadoalli<br>lahttu<br>lahttu<br>várrelahttu<br>várrelahttu<br>várrelahttu<br>váldostivrra ságadoalli<br>váldostivrra I<br>várreságadoalli<br>váldostivrra II<br>várreságadoalli |             |
| Eret   | Tapiola Sari<br>Hekkanen Eemeli<br>Länsman Lávra<br>Niittyvuopio-Valle Laura<br>Konttinen Pirjo<br>Guttorm Urho<br>Heikurainen Laura                                                             |                                                                                                                                                                                                      |             |
| Eará   | Kontio Päivi<br>Länsman Marja<br>Orti-Berg Riitta                                                                                                                                                | gielddahoavda<br>beavdegirjedoalli<br>tulka                                                                                                                                                          |             |

## Vuolláičállosat

|                         |                                             |                                                  |
|-------------------------|---------------------------------------------|--------------------------------------------------|
|                         | Vuokko Tieva-Niittyvuopio<br>ságadoalli     | Marja Länsman<br>beavdegirjedoalli               |
| Gieđahallon áššit       | 210 - 233                                   |                                                  |
| Beavdegirrji dárkkistus | Ohcejogas 2.12.2025                         |                                                  |
|                         | Sammol Lukkari<br>beavdegirjedárkkisteaddji | Nilla-Pekka Länsman<br>beavdegirjedárkkisteaddji |

## Beavdegirji dollojuvvo albmosis

Gielddadállu, guovddášdoaimmahat 09.12.2025

Minna Lukkari  
Almmuhantávvala dikšu

**Čoahkkima lágalašvuohta ja mearridanváldi**

Gr 02.12.2025 § 210

Mearrádusevttohus      Gávnnahuvvo, ahte čoahkkin lea lágalaččat čoahkkái bovdejuvvon ja mearridanválddáš.

Mearrádus                Gávnnahuvvui, ahte čoahkkin lea lágalaččat čoahkkái bovdejuvvon ja mearridanválddáš.

**Beavdegirjji dárkkisteaddjiid válljen**

Gr 02.12.2025 § 211

Mearrádusevttohus Válljet čoahkkimii guokte beavdegirjedárkkisteaddji.

Mearrádus Beavdegirjjidárkkisteaddjin válljejuvvuiga Sammol Lukkari ja Nilla-Pekka Länsman.

**Čoahkkima bargoortnega dohkkeheapmi**

Gr 02.12.2025 § 212

|                   |                                                                                                                                                                                                                                                                                                     |
|-------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Mearrádusevttohus | Gielddaráđdehus dohkkeha áššiid gieđahallanortnega čoahkkima áššelisttu mielde.                                                                                                                                                                                                                     |
| Mearrádus         | Ságadoalli evttohii, ahte lasseáššin gieđahallojit Lassemearreruhta eará ovttasdoaibmanossodagaide, Lassemearreruhta áššedovdibálvalusaide, Lassemearreruhtaohcamuš eará sadjái sirdon oahppiid goluide.<br>Gieđahallanortnet dohkkehuvvui evttohuslistu mielde ságadoalli evttohan lasseáššiiguin. |

.

**Spiehkastatlohpeohcamuš, Tenontie 737 stivli**

Gr 02.12.2025 § 213  
187/10.03.00.07/2025

Huksensadji Ohcejohka, girkosiida (890,401)  
Muddu: Junttitörmä, RN:o 89:00

Huksenprojekta ja guovllu lávven  
Ohcci ohcá gielddastivrra (20.05.2019 § 14) dohkkehan  
oasseoppalašláva Yläköngäs-Kordas nammasaš guvlui  
spiehkasteami 50 mehtera alu ja friija čeaggájeaddji  
ruossaruovdestivlli huksemii ja lassin elemeantain ráhkaduvvon  
rusttetsuoji (7 m<sup>2</sup>) huksemii. Guovlu sajáiduvvá oppalašlávas  
gáddeavádat- ja -gáddeguvlui, mas lea čuvvojuvvon  
eadnedállogeahčadeapmi huksenvuoigatvuođa meroštallamis  
(gáddi). Dasa lassin guovlu lea merkejuvvon lávas luonddu-, eana-  
ja vuovdedoalloguovlun (M-1) mii lea oaivvilduvvon luondduealáhus-  
, eana- ja vuovdedoallogeavahussii, guovlluid geavahusas galgá  
vuhtiiváldit guovlluid seailluheami nu lunddolaš dilis go vejolaš.  
Eanageavahan- ja huksenlága 43.2 § vuođu mearriduvvo, ahte  
dakkár doaimma mii nuppástuhtá duovdaga, ii oaččo ollašuhttit  
eanageavahan- ja huksenlága 128 § duovddabargolobi haga.  
Duovddabargolohpegáibádus ii guoskka muoraid njeaidima. Lávvi  
lea merkejuvvon maid guovllu čađa manni boazoáidi.

Huksengielddus dahje - ráddjen  
Ohcamuš guoská gáddeguovllu plánendárbbus spiehkaseami  
(guovlluidgeavahanláhka 72 §). Meara dahje čázadaga gáddeguvlui  
gullelaš gáddeavádahkii ii oaččo hukset huksenčuozáhaga  
sajádatláva dahje dakkár riektováikkuheaddji oppalašláva haga, mas  
lea erenomážit mearriduvvon oppalašláva dahje dan oasi  
geavaheamis huksenlobi miediheami ággan., sihke oppalašlávas  
spiehkasteami (guovlluidgeavahanláhka 43.2) MU-1 guvlui huksen  
gáddeavádatguvlui ja gáddeguvlui, mas, ii leat  
huksenhuksenvuoigatvuohta.  
Projekta spiehkasta maiddái Ohcejoga huksenortnega čuoggá 5.1  
huksensaji vuollerádjesturrodaga (unnimustá 3 000 m<sup>2</sup>) guoski  
mearrádusas.

Cealkámušat ja gullamat:  
lávabargojoavkku cealkámuš, Lappi ELY-guovddáša cealkámuš  
(LAPELY/666/2025 ránnjá gullan), Pirkanmaa ELY-guovddáša  
spiehkastanmearrádus (PIRELY/8905/2025 lohpi sajuštit  
eatnangeainnu suodjeguvlui), Pirkanmaa ELY-guovddáša  
lohpemearrádus (PIRELY/7064/2025 laktaga huksen), Báisduoddara  
bálgosa cealkámuš, Johtolat- ja gulahallandoaimmahaga  
mearrádus(Traficom/11929/05.00.16.00/2025 lohpi girdineastaga  
bidjamii)

Ránnjáid leat gullan projeavtta birra huksenlága 64 § mielde :  
Cuigemat eai leat guđđojuvvon.

Huksensadji lea čujuhusas: Tenontie 737

Huksensaji sturrodad lea 120 m<sup>2</sup> ja dat sajáiduvvá dasttán  
Deanugeainnu gurrii geainnu máttabeallái ja Deanu gáddeguvlui.

Huksenlága 57 § mielde gielda sáhhtá erenomáš siva geažil  
ohcamuša vuodul miedihit spiehkasteami dán lágas mearriduvvon  
dahje dan vuodul addojuvvon, huksemii dahje eará doaibmabidjui  
guoski njuolggadusas, mearrádusas, gildosis dahje eará  
ráddjehusas. Ovdalis mearriduvvon ii goittotge guoskka  
gelbbolašvuodagáibádusaid tontejuođu, eanadatbargolobi dárbbu ja  
eavttuid iige 46 § 1 momeantta 2 čuoggás mearriduvvon sajádatláva  
ráhkadeami guoskevaš sajušteami gáibádusaid  
plánendárboguovllus. Spiehkastatlobi sáhhtá miedihit eará  
sajusteami eavttuin plánendárboguovllus huksenlága 57 § mielde.

Eadnedállogeahčadeapmi huksenvuoigatvuodá meroštallamii  
gáddeguovllus ii leat dárbbášlaš, daningo doarjjastašuvnna huksen ,  
mii bálvala servodaga, ii váikkut eadnedálu gáddeguovllu  
huksensajiid árvoštallojuvvon.mearrái.

Ožžojuvvon cealkámušaid mearrádusaid ja ránnjáid gullama vuodul  
eai leat boahtán ovdan dakkár áššit, maid vuodul ohcamuša  
galggašii hilgut.

Siidomateriálat

sajádatkárttat ja sajádattevnnet.

Válmmaštalli

Soađegili gieldda huksendárkkisteaddji Hannu Hukki

Válmmaštalli mearrádusevttohus

Gielddaráđđehus miediha ohccojuvvon spiehkastatlobi ohcamuša  
mielde.

Ággan spiehkastatlobi miediheapmái lea, ahte gažaldatvuloš  
dáh páhusas huksen ii gehččojuvvo leat hehttehussan  
lávvaráhkadeapmái dahje guovlluid geavaheami eará ortnegii, iige  
váltásmahte luonddusuodjaleami, dahje huksejuvvon birrasa  
suodjaleami ulbmiliid joksama. Huksen ii doalvvo váikkuhusaid  
beales mearkkašahti huksemii dahje muđuige ii dagat  
mearkkašahti vahátlaš biras- dahje eará váikkuhusaid namuhuvvon  
huksensajis. Dasa lassin ohcci lea buktán ovdan sierra sivaidda ja  
ákkaid ee. ohcci lea ovdačielggadeamis guorahallan guovllu ja dan  
birrasa vejolaš sajiid, ja maiddái gullan projeavtta birra gieldda  
oainnuid ja dán boadusin namuhuvvon báiki lea válljejuvvon. Ohcci

lea plánen báikki nu ahte dat unnimus lági mielde vahágahtášii guovllu álgovuolggalaš ulbmila. Projeakta doalvu dušše sullii 120m<sup>2</sup> sturrosaš viidodaga giddodaga 3,605 há -sturrosaš viidodagas, nu ahte guovllu láva mielde geavahanulbmil seailu govttolaš bures ovddežis. Huksehusa dihte muorat ja látnjasat njáskojuvvojit guovllus dušše gokko lea dárbu. Doarjjastašuvdna buorida guovllu luodda fierpmádaga váilevašvuodaid sihke buktá guvlui jođánis, ođđaáigásaš ja erenomážit luohtehahti mobiilafierpmádat- ja diehtjohtolatoktavuodaid ee. heahtetelefovnnaš besset čađa

Ovdal huksenbargui álgima galgá ohcat aitosáš huksenlobi 2 guovtti jagi siste dán mearrádusa addimis, man gieđahallama oktavuodas guorahallojuvvojit lobi miediheami eará eavttut nu mo lágas lea mearriduvvon. Huksensaji huksekeahtes osiid galgá bisuhit nu luonddudilis go vejolaš. Addojuvvon cealkámušaid galgá čuovvut.

Heivehuvvon riekterávvagat:

Guovlluideavahanláhka 72 §

Huksenláhka 45 §, 57 §, 64 § ja 187 §

Suoma vuodđoláhka 6 §

Ohcejoga gieldda huksenmearrádusat čuoggát 5, 6 ja 11.1

Áššemeannudeaddji

Gielddahoavda Kontio Päivi

Mearrádusevttohus

miedíha ohccojuvvon spiehkastatlobi ohcamuša mielde.

Mearrádus

Áššemeannudeaddji Soađegili gieldda huksendárkkisteaddji Hannu Hukki ovdanbuvttii ášši gielddaráđđehusa lahtuide.

Evttohus dohkkehuvvui.

Dili birra oanehaččat

Gr 02.12.2025 § 214

Gielddahoavda muitala áigeguovdilis áššiid birra oanehaččat

Mearrádusevttohus Merkejuvvo diehtun.

Mearrádus Gielddahoavda ovdanbuvttii áigeguovdilis áššiid dili ná:

- Gielddahoavdda ovdogohcinmátki Helssegii
- Lapha ovdogohcin
- Rádjagalledeaddjiid vearuheami ovdogohcin
- Deanu ja Kárášjoga gielddaid galledeamit Ohcejogas 14.1.2026 ja 28.1.2026
- Ovttasbargočoahkkin bálgosiiguin álgojagi 2026
- Gáiddusoahpahusfitnu guoski ráđđádallamat Sámedikkiin
- Biedggoássanguovllu giddodagaid bázahusčáziid giedahallan (Aulis Nordberg)
- Lappi Polesa Ráđđádallangotti čoahkkindearvvuođat (Mateusz Moilanen)

Merkejuvvui diehtun

Ruhtadili birra oanehaččat

Gr 02.12.2025 § 215

Mearrádusevttohus Gullat oanehaččat ruhtadili birra.

Mearrádus

Merkejuvvui diehtun.

Merkejuvvui beavdegirjái, ahte Mateusz Moilanen vulggii  
čoahkkimis ovdal mearrádusdahkama dii 13.30.

216

Gávpenannejeaddji giddodatluohpadanalmmuhusat ja gielda ovdaoastinvuoigatvuoda geavaheapmi

Gr 02.12.2025

Mearrádusevttohus

Gildii leat boahtán x st gávpenannejeaddji giddodatluohpadanalmmuhusa, listu giddodatluohpadanalmmuhusain lea siidomateriálan. Giddodatluohpadanalmmuhusat leat oaidninláhkai čoahkkimis.

Ovdaoastinlága mielde ovdaoastinvuoigatvuoda geavahettiin mearrádussii ožžot oasti ja vuovdi ohcat nuppástusa ja váidit hálddahušiektái.

Gielda mearrádussii leat geavatkeahtta ovdaoastinvuoigatvuoda ii oaččo ohcat nuppástusa váidimiin.

Gielddaráđđehus merke diehtun gávpenannejeaddjiid giddodatluohpadanalmmuhusaid ja mearrida, ahte giela ii geavat ovdaoastinvuoigatvuoda báikkiide, mat gullet gávpái.

Mearrádus

Váldostivrra ságadoalli Mika Aikio almmuhii ahte lea easttalaš gieđahallat ášši ja guđii čoahkkima ášši gieđahallama áigái.

Evttohus dohkkehuvvui.

**Bušeahhtaárvalus jahkái 2026 ekonomiiaplánat jagiide 2026-2028**

Gr 02.12.2025 § 217

149/02.02.00/2025

Gieldalága 110 § mielde "Váldostivra galgá jagi loahpa rádjai dohkkehit gildii čuovvovaš kaleandarjahkái bušeahhtaárvalusa nu, ahte váldá vuhtii gieldakonseartna ekonomiija vásttuid ja geatnegasvuođaid. Dan dohkkeheami oktavuođas váldostivra galgá dohkkehit maiddái ekonomiiaplána uhcimustá golmma jahkái (plánabadji). Bušeahhtaárvalusjahki lea ekonomiiaplána vuosttas jahki.

Bušeahhtaárvalusa ja ekonomiiaplána galgá gárvvistit nu, ahte dat ollašuttet gieldatastrategiija ja vejolašvuođat gieldda bargguid dikšumii dorvvastuvvojit. Bušeahhtaárvalusas ja ekonomiiaplánas dohkkehuvvojit gieldda ja gieldakonseartna doaimma ja ekonomiija ulbmilat.

Ekonomiiaplána galgá leat dássedeattus dahje badjebázalaš. Gieldda balánsii čoggon vuollebáhcaga galgá gokčat eanemustá njealje jagi siste ruhtadoalloloahpaheami nannema čuovvu jagi álggurájes. Gieldda galgá ekonomiiaplánas mearridit dárkilit doaibmabijuin, mainna vuollebáza máinnašuvvon áigodagas gokčojuvvo.

Bušehtii váldojuvvojit bargguid ja doaimma ulbmiliid gáibidan mearreruđat ja boahtoárvvoštallamat sihke das čujuhuvvo, mo ruhtadandárbu gokčojuvvo. Mearreruđa ja boahtoárvvoštallama sáhtá váldit brutto- dahje nettomearrin. Bušeahhtaárvalusas ja ekonomiiaplánas lea geavahanekonomiija- ja boadusrehkenastinoassi sihke investeren- ja ruhtadanoassi.

Gieldda doaimmas ja ekonomiija dikšumis galgá čuovvut bušeahhtaárvalusa."

Gieldda stivrenjoavku lea dán čavčča áigge válmmaštallan bušeahhtaárvalusevttohusa jahkái 2026. Plánema vuodđun leamašan ovtasdoaibmanráđđádallama meannudeami boadus, dán jagi bušeahhta, bušeahhta ollašupmi ja ovddit jagi ruhtadoalloloahpaheapmi. Maiddái guhkit áigegaskka čuovvun lea dahkkon. Plánemis leat váldon vuhtii dat doaibmanuppástusat, mat leat dieđus.

Hálddahusgottit leat gieđahallan iežaset bušeahhtaárvalusevttohusaid lávdegottiin. Guovddášhálddahus doaimmahii hálddahusgottiide dárkilut rehkenastinrávvagiid omd. bargoveahkamanuid oasil.

Vearroproseanttat jahkái 2026 gieđahallojedje skábmamánu váldostivrra čoahkkimis. Stáhtaossodagat leat árvvoštallon Gielddaid guovddášlihtu (Kuntaliitto) einnostusa vuodul. Einnostusat sáhttet vel dárkkálmuvvat loahppajagi áigge.

Plánajagit 2027-2028 leat gárvvistuvvon jagi 2026 vuodul indeaksabajádusat ja heivvolaš osiin doaibmanuppástusat leat váldojuvvon vuhtii.

Gielddahoavda ja hálldahushoavddat ovdanbuktet bušeahttaárvalusevttohusaid čoahkkimis.

Gieldda ekonomalaš dili sihke investerenprográmmas meroštallon investeremiid vuhtii válddedettiin lea dárbu ráhkkaniid loatnaváldimii, vai sáhtá sihkkarastit máksinnávcca.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha bušeahttaárvalusa jagiide 2026-2028 sihke ekonomiiaplánaid jagiide 2026-2028 ja evttoha daid ain váldostivrii dohkkehanláhkai. Gielddastivra evttoha váldostivrii, ahte dat mieđiha gielddaráđđehussii eanemustá 500.000,00 euro loatnaváldinvuoigatvuoda. Gielddaráđđehus fápmuda gielddahoavdda ordnet loatnaáššiid, ee. gilvalahttima sihke vuolláičállit dárbbaslaš loatnaáššegirjiid gv. loana loktema várás. Gielddastivra fápmuda hálldahusa koordináhtora dahkat vejolaš divvumiid bušeahttaárvalussii ovdal go váldostivrra gieđahallá ášši.

Mearrádus Gielddahoavda ja doaibmasurggiid jođiheaddjit ovdanbukte iežaset bušeahttaárvalusaid gielddaráđđehusa lahtuide.

Gielddahoavda gávnnahii, ahte gielddastrategiija 2035 beaivindárbbut válmmaštallojit dárbbaslaš osiin sierra mearrádusdahkamii. Dan lassin gielddahoavda celkkii, ahte eallinfápmo ja tehnikkalaš suorgi ovtastuvvet 1.1.2026 rájes, muhto bušeahtagirjiis doaibmasuorggit oidnojit vel sierra.

Evttohus dohkkehuvvui.

Boddu dii 15.35-15-50. Bottu maŋŋá ságadoalli čadahii nammačuorvuma ja gávnnahii, ahte Riikka Rasmussen ja Oskari Kontio eaba leat mielde čoahkkimis. Earát árat nammačuorvumis mielde lean olbmot ledje čoahkkimis.

Čuvvosat:

Čuovus 1. Bušeahttaárvalus jahkái 2026 ekonomiiaplánat jagiide 2026-2028

**Ohcejoga gieldda stivrenrávvaga beaivádeapmi**

Gr 02.12.2025 § 218

87/00.01.01.00/2024

Gieldalága 90 § mielde juohke gielddas ja gieldaovttastumis galgá leat stivrenráva. Stivrenrávvagis addojuvvojit lága mielde dárbbášlaš mearrádusat gieldda hálddahusa ja doaimma ordnemis, mearrádusdahkamis - ja hálddahušmeannudeamis sihke váldostivrra doaibmamis. Dáhpáhuvvan láhkarievdadusat sihke mearriduvvon virgeordnemat ja doaibmasurggiid ovtteamit eaktudit rievdadusaid stivrenrávvagii. Beaiváduvvon stivrenrávahámus lea čuovusin.

Áššemeannudeaddji      Gielddahoavda Kontio Päivi

Mearrádusevttohus      Gielddaráđđehus dohkkeha ja evttoha ain váldostivrii dohkkehanláhkai válmmaštallamis ovdanbuktojuvvon rievdadusaid Ohcejoga gieldda stivrenrávvagii. Gielddaráđđehus fápmuda gielddahoavdda dahkat stivrenrávvagii vejolaš teknikkalaš ja danlágaš divvumiid ovdal váldostivrra gieđahallama. Ođđa stivrenráva boahtá fápmui 1.1.2026.

Mearrádus      Gielddahoavda ovdanbuvttii hálddahušnjuolggadusa nuppástusaid gielddaráđđehusa lahttuide.

Merkejuvvui beavdegirjái, ahte Riikka Rasmussen ja Oskari Kontio máhcaiga čoahkkimii dii 16.00 ášši ovdanbuktima áigge.

Ságadoalli evttohii, ahte hálddahušnjuolggadussii válmmaštallo čuvgehušdoaimma jođihanvuogádaga oassi sierra vuosttas jahkenjealjádasa áigge. Evttohus dohkkehuvvui ovttamielalaččat.

Evttohus dohkkehuvvui ságadoalli evttohan lasáhusain.

Čuvvosat:

Čuovus 2. Ohcejoga gieldda stivrenráva

**Ohcejoga gieldda bargoveahkaráva**

Gr 02.12.2025 § 219  
124/01.00.00/2025

Ohcejoga gielddas lea anus bargoveahkaráva, mii lea boarásmuvvan ja dan lea dárbu beaivádit. Bargoveahkarávvagis meroštallojit iešguđetlágan bargoveaga áššit ee. gáiddusbarggu bargama prinsihpain, luomuin, buohcanskoviin ja bálká- ja bargogaskavuoltaáššiin.

Gieldda stivrenjoavku lea lea válmmaštallan bargoveahkarávvaga ja dat lea ovdanbuktojuvvon ovttasbargodoaibmagoddái. Beaiváduvvon bargoveahkaráva lea siidomateriálan.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha Ohcejoga gieldda bargoveahkarávvaga. Lassin gielddaráđđehus fápmuda gielddahoavdda beaivádit ja bajásdoallat bargoveahkarávvaga.

Mearrádus Gielddahoavda ovdanbuvttii bargoveahkarávvaga gielddaráđđehusa lahtuide.

Gielddahoavda ovdanbuvttii, ahte gáiddusbargobeivviid mearri mánotbajis sáhtá leat 7 bargobeivvi. Evttohus dohkkehuvvui ovttamielalaččat.

Čuvvosat Čuovus 3 Ohcejoga gieldda bargoveahkaráva

**Ohcejoga gieldda luohttámušolbmuid bálkánjuolggadus**

Gr 02.12.2025 § 220  
185/00.01.01.01/2025

Gieldda luohttámušolbmuid máksojuvvo bálká luohttámušdoaimma dikšumis ja buhtadus dienasmanaheami sihke daid goasttádusaid ovddas, mat luohttámušdoaimma geažil šaddet sadjásačča bálkáheamis, mánnáfuolahusa ordnemis dahje eará dan sullasaš sivas, sihke mátkegoluid buhtadus ja beaiveruhta dán bálkánjuolggadusa mielde.

Ohcejoga gieldda luohttámušolbmuid bálkánjuolggadus ja báلكkáid mearri lea dárkkistuvvon.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha Ohcejoga gieldda luohttámušolbmuid bálgánjuolggadusa ja evttoha dan ain váldostivrii dohkkehanláhkai. Gielddaráđđehus fápmuda gielddahoavdda dahkat bálkánjuolggadusssii vejolaš teknikkalaš ja danlágaš divvumiid ovdal váldostivrra gieđahallama. Ođđa bálkánjuolggadus boahtá fápmui 1.1.2026.

Mearrádus Gielddahoavda ovdanbuvttii luohttámušolbmuid bálkánjuolggadusa gielddaráđđehusa lahtuide.

Evttohus dohkkehuvvui.

Čuvvosat:

Čuovus 3. Ohcejoga gieldda luohttámušolbmuid bálkánjuolggadus

|                  |       |            |
|------------------|-------|------------|
| Gielddasráđđehus | § 203 | 10.11.2025 |
| Gielddaráđđehus  | § 221 | 02.12.2025 |

## Ovddidanhoavdda virggi deavdin

Gr 10.11.2025 § 203

Nuppástusráđđádallamiid boadusin Ohcejoga gielddas lea mearriduvvon vuodđudit ovddidanjođiheaddji virgi ja heaittihuvvot eallinfápmohoavdda ja giddodathoavdda virggit. Eallinfápmo- ja teknikalaš doaibmasuorgi lea mearriduvvon ovttahttojuvvot ovddidan- ja birasdoaibman (Váld 29.08.2025 § 55).

Virgehálldašeaddjilága 37 § 1 momeantta mielde "virgegaskavuoda sáhtá eretcealkit, go virgehálldašeaddji barggut leat geahppánan mearkkašahti ollu ja bissovaččat ekonomalaš sivaiddihte, bargoaddi dahje áššáigullelaš ovtadaga bargguid ođđasit ordnema dihte dahje eará daidda veardásaš sivaiddihte. Eretcealkin eaktuda lassin, ahte virgehálldašeaddji ii sáhte ámmátdáiddu ja návccaidis vuodul govttolaččat bidjat nuppi virgegaskavuhtii dahje váldit dakkár bargogaskavuhtii, man barggut eai mearkkašahti ollu spiehkkaš virgehálldašeaddji bargguin, dahje skuvlet ođđa bargguide." Ovdalis máinnašuvvon mielde fállujuvvo ovddidanjođiheaddji virgi dálá eallinfápmohovdii čuovvovaš bargogova mielde.

Ovddidanjođiheaddji vástusuorgin leat ovddidan- ja birasdoaibmasuorggi jođiheapmi, doaibmasuorggi hovdenbarggut ja ovddasvástádus ruhtadoalus. Ovddidanjođiheaddji virggi dikšun gáibida mánnggabealat ealáhusdoaimmaid ja fitnodatdoaimmaid dovdam ja/dahje teknikalaš doaimma dovdam mii sisttisdoallá nu giddodagaid bajásdoallama plánema, gilvalahttima ja čorgemii gullelaš áššiid organiserema. Dasa lassin ovddidanjođiheaddji bargui gullá plánat iešguđetlágan gieldda eallinvuoimmi doarju ovddidanprojeavttaid sihke oktii heivehit omd. čuvgehusdoaimmain ja projeavttaid ollašuhttin ja čuovvun. Bargui gullá maid sihkkarastit joatkkadoaimmaid gieldda organisašuvnnas dan maŋŋa go projekta lea loahpahuvvon, ovdánahttit guovllu- ja gielddasuorggi márkanfievrrideami, organiseret fitnodatrávvema ja eará doaimmat mat gullet gieldda ovdánahttin- ja birasdoibmii.

Ovddidanjođiheaddjis gáibiduvvo bargui heivvolaš bajit allaskuvladihttu ja praktihkalaš hájánupmi ovddasvástádussuorggi doaibmasuorgái gullelaš bargguin. Barggu ceavzilis dikšun eaktuda geavatláččat čájehuvvon jođihan- ja ovtasbargodáidduid. Ovddidanjođiheaddjis gáibiduvvo posiitivvalaš

|                  |       |            |
|------------------|-------|------------|
| Gielddasráđđehus | § 203 | 10.11.2025 |
| Gielddaráđđehus  | § 221 | 02.12.2025 |

doaladupmi ja hárvánupmi ovttasbarggus ealáhuseallima doaibmiiguin ja maid hálo ovddidit ja gávdnat ođđa innovatiiva čovdosiid gieldda ovddideapmái viidát. Ovddidanjođiheaddji lea stivrenjoavkku lahttu. Sámegiela máhttu gehččojuvvo erenomáš ánsun. Ovddidanjođiheaddji virggis lea vejolašvuohta muhtimassii bargat gáiddusin. Virggis čuvvojuvvo gieldasuorggi dábálaš virge- ja bargoeaktosoahpamuša. Bálká lea 5 700€.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida fállat ovddidanjođiheaddji virggi eallinfápmohoavda Tanja Lepistöi válmmaštallama mielde.

Mearrádus Evttohus dohkkehuvvui.

Gr 02.12.2025  
175/01.01.00.01/2025

Ovddidanjođiheaddji virgi lea fálojuvvon gielddaráđđehusa mearrádusa mielde eallinfápmohoavda Tanja Lepistöi. Eallinfápmohoavda Tanja Lepistö lea 21.11.2025 čálalaččat almmuhan, ahte son ii váldde vuostá ovddidanjođiheaddji virggi 1.1.2026 rájes. Lepistö almmuhusa mielde su virgegaskavuotta gildii nohká 31.12.2025.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus mearrida, ahte

1. Tanja Lepistöi mieđihuvvo earru eallinfápmohoavdda virggis nu, ahte su bargogaskavuotta manimuš bargobeaivi lea 31.12.2025.
2. ovddidanjođiheaddji virgi biddjojuvvo rabas mearreáigásaš bargogaskavuottan. Gielddaráđđehus fápmuda gielddahoavdda ráhkadit ohcanalmmuhusa váldostivrra dohkkehan gelbbolašvuodaeavttuid mielde.
3. gielddaráđđehus mearrida geat bovdejuvvojit jearahallamii ja čađaha jearahallamiid. Jearahallamii bovdejuvvojit mielde maid váldostivrra ságadoallit.
4. gielddaráđđehus mearrida, ahte gielddahoavda doibme vd. ovddidanjođiheaddjin dassážii go ovddidanhoavdda rekrutteren lea loahpahuovon.

Mearrádus Gielddahoavda evttohii, ahte jearahallamiidda bovdejuvvojit maidái áirasat mielde. Evttohus dohkkehuvvui ovttamielalaččat.

Evttohus dohkkehuvvui ovttas gielddahoavdda evttohan nuppástusain.

**Mearreruhta nuppástusat jahkái 2025, guovddášhálldahus**

Gr 02.12.2025 § 222

189/02.02.02/2025

Bušeahhta lea čadni manuid ja boađuid erohusa dahjege netto dásis. Doaibmasuorgejodiheaddji sáhtta mearridit mearreruđa sirdimiin seamma gollobáikki siste. Gielddaráđđehus ja lávdegottit sáhttet mearridit mearreruđa sirdimiid birra eará gollobáikkiid gaskkas. Guovddášhálldahusa mearreruhta manná badjel muhtun gollobáikkiin ee gielddaráđđehusa ja bargodearvvasvuodafuolahusa mearreruhta. Go fas guovddášdoaimmahaga golut orrot leamen vehá unnit go dasa várrejuvvon mearreruhta.

Áššemeannudeaddji      Gielddahoavda Kontio Päivi

Mearrádusevttohus      Gielddaráđđehus miediha hálldahusa koordináhtorii vuoigatvuodaid dahkat guovddášhálldahusa bušehtti kontusirdimiid nu ahte, ahte badjelmannan mearreruđat gokčojit eará gollobáikkiid mearreruđaiguin.

Mearrádus      Evttohus dohkkehuvvui.

**Ohcejoga gieldda boarrásiid- ja doaibmaváttogiidráđi nammadeapmi**

Gr 02.12.2025 § 223  
188/00.01.01.02/2025

Ohcejoga gieldda boarrásiid- ja doaibmaváttogiidráđiid gánneha ovttahttit oktan boarrásiid- ja doaibmaváttogiidráđdin. Ná lea doibmejuvvon mángga gielddas. Doaibmabajiideaset loahpaheaddji boarrásiid- ja doaibmaváttogiidráđiid oktasaščoahkkimis 25.8.2025 gieđahalle ovttasteami ja buot lahtut guottihedje evttohusa. Servviin leat čoggon dan veardde unnán evttohasat, ahte ii leat jierpmálaš, iige vejolašge juohkásit guoktin ráđdin. Servviid evttohasat lahttun:

MLL Henna Lukkari, várrelahttun Annina Sujala ja Kirsi Kvist-Aikio  
Sámi Siida Aslak Holmberg  
Sydänyhdistys Ulla Orislahti  
Syöpäyhdistys Aarne Sujala  
Eloisat Erkki Malin  
Ikäsähly Lauri Karjalainen  
Sámi Soster Veikko Holmberg  
Elina Lanu, SPR

Áššemeannudeaddji Gielddahoavda Kontio Päivi

Mearrádusevttohus Gielddaráđdehus mearrida, ahte 1.12.2025 rájes Ohcejoga gielddas doibme okta oktasaš boarrásiid- ja doaibmaváttogiidráđi. Gielddaráđdehus namuha Ohcejoga gieldda boarrásiid- ja doaibmaváttogiidráđi lahttun servviid evttohusaid mielde Henna Lukkari, Aslak Holmberg, Ulla Orislahti, Aarne Sujala, Erkki Malin, Lauri Karjalainen, Veikko Holmberg ja Elina Lanu. Lassin namuhuvvo Ohcejoga searvigottis Riikkaliisa Joentausta ja Ohcejoga gielddas Merja Pieski. Buresveadjinhoavda Pirjo Seurujärvi doibme boarrásiid- ja doaibmaváttogiidráđi áššemeannudeadjin.

Mearrádus Evttohus dohkkehuvvui.

**Váldostivrra 6.11.2025 čoahkkima ollašuhttin**

Gr 02.12.2025 § 224

6/00.02.00/2025

Gieldalága mielde gielddaráđđehus vástida váldostivrra mearrádusaid lágalašvuoda bearráigeahčus.

Jos gielddaráđđehus oaidná, ahte váldostivrra mearrádus lea dahkkon boastto ortnegis dahje manná váldostivrra doaibmaválddi badjel dahje muđui lea lága vuostá, gielddaráđđehus berre guođđit mearrádusa ollašuhkeahhtá. Ášši galgá dalán bidjat váldostivrii ođđasit giedahallamii.

Čuovusin váldostivrra čoahkkima BEAVDEGIRJI. Váldostivrra mearrádusat leat leamašan oaidninláhkai 14.11.2025.

Áššemeannudeaddji      Gielddahoavda Kontio Päivi

Mearrádusevttohus      Gielddaráđđehus gávnna, ahte váldostivrra mearrádusat leat lágalaččat ja ollašuhhtingelbbolaččat. Gielddaráđđehus čađaha ollašuhhtima.

Mearrádus      Evttohus dohkkehuvvui.

Čuvvosat:

Čuovus 4.      Váldostivrra bovdehus 6.11.2025

**Ohcejoga nuoraidráđi álgga pride-levgemis**

Gr 02.12.2025 § 225

186/12.04.01/2025

Ohcejoga nuoraidráđi lea mearridan dahkat álgaga Ohcejoga gildii das, ahte Ohcejoga gielda levgešii pride-dáhpáhusa gudnin álo riikkaidgaskasaš LGBTQIA-beaivve 28.6. ja pride-beaivvi áigge, mii vejolaččat lágiduvvo Ohcejogas.

Nuoraidráđi mielde prideis ii leat sáhka ideologias dahje ismmas muhto olmmošrivttiin. Álgagis gávnnahit ahte pride-levgen livččii okta vuohki dustet Ohcejoga beaggima boaresáigásaš gielddan. Nuoraidráđi evttoha levgenbáikin gielddadálu ja vejolaččat maiddái juohke skuvla leavgastákku. Nuoraidráđi lea gárvvis skáhppot iežas mearreruđain dárbbaslaš pride-leavggaid muhto sávvá ahte gielda ieš fuolaha levgemis.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus giedahallá nuoraidráđi álgaga ja dohkkeha dan evttohusa mielde.

Mearrádus Gielddahoavda ovdanbuvttii nuoraidráđi álgaga gielddaráđđehusa lahtuide.

Mateusz Moilanen evttohui, ahte gielda ii oassálastte pride-levgemii. Sammol Lukkari guottihii Mateusz Moilasa evttohusa.

Ságadoalli gávnnahii, ahte čoahkkimis lea dahkkon guottihuvvon evttohus, mii spiehkka gielddaráđđehusa vuodđoevttohusas. Ságadoalli evttohui, ahte čađahuvvo nammačuorvunjienastus, mas JAA lea gielddaráđđehusa vuodđoevttohus ja El Mateusz Moilasa guottihuvvon evttohus. Jienastusortnet dohkkehuvvui. Jienat addojedje oktiibuot 7 st, main JAA jienat 5 st (Nilla-Pekka Länsman, Vesa Länsman, Riikka Rasmussen, Oskari Kontio, Vuokko Tieva-Niittyvuopio) ja El jienat 2 st (Mateusz Moilanen, Sammol Lukkari). Jienasteami vuodul gielddaráđđehus dohkkehii nuoraidráđi álgaga pride-levgemis.

Mateusz Moilanen guđii sierraoavila mearrádusas. Mateusz Moilanen ákkastalai oaivilis dainna ahte su mielas lea problemáhtalaš searvat pride-levgemii vearroruđaguin, go buot gielddalaččat eai guottit lihkadusa politihkalaš ulbmiliid nugo sohka beali mánggabealatvuoda dulkomiid dahje vuolleahkásaččaid trans-divššu linnjemiid. Gieldda ii galgga geavahit ideologiija ovddideami reaidun.

**Davvi-Lappi guovloovttasbarggu gielddaidovttastumi vuodđosoahpamuš ja stivrenráva**

Gr 02.12.2025 § 226  
111/00.04.01/2025

Gieldalága (410/2015) 56 §:s ásahuvvo gieldaovttastumi vuodđosoahpamuša unnimussisdoallu. Davvi-Lappi guovloovttasbarggu gieldaovttastupmi lea čoahkkimis 8.5.2024 dohkkehan ođasmahttojuvvon vuodđosoahpamuša ja gieldalága mielde stivrenrávvaga.

KPMG jurista Olli Ojanperä lea dárkkistan jagi 2025 ruhtadoallodárkkistusa oktavuodas guktuid áššegirjjiid. KPMG oainnu mielde vuodđosoahpamuš sistsidoallá gieldalága 56 §:s logahallon unnimusgáibádusaid. KPMG lea fuomášuhttan čuoggáin, maid evttohit dárkkálmahttit čielggasvuoda dihtii. Fuomášumit ja ovddidanevttohusat leat biddjon teakstakássan oassin vuodđosoahpamuša ja stivrenrávvaga, mat leat siidomateriálan. Divvumat ja čielggasmahttimat leat evttohuuvvon soahpamušas fiskadin.

Davvi-Lappi guovloovttasbarggu gieldaovttastumi ovttastupmeráđđehus evttoha ođasmahtton vuodđosoahpamuša ja stivrenrávvaga lahttogielddaid váldostivrraide dohkkehanláhkai.

Áššemeannudeaddji

Gielddahoavda Kontio Päivi

Mearrádusevttohus

Gielddaráđđehus dohkkeha ja evttoha ain váldostivrii dohkkehanláhkai válmmaštallamis ovdanbuktojuvvon rievdadusaid Ohcejoga gieldda stivrenrávvagii.

Mearrádus

Evttohus dohkkehuvvui.

**Evttohus prográmmabaji 2014-2020 ja sirdásanbaji 2021-2022 gieldaruđaid máhcaheamis**

Gr 02.12.2025 § 227  
184/00.04.01/2025

Leader Pohjoisin Lappi rs evttoha lahttogielddaide mearridanláhkaí árat bajiid gieldaruhtamáhcaheami nu, ahte guđege gieldda máhcaheamiid mearis 20 % bázášii Leaderii geavahanláhkaí NuorisoLeader- ja YhdistysLeader -doibmii ja 80 % máhcahuvvošii juohke lahttogildii.

Lahttogielddaid njunuš virgehálddašeaddjiin leat bivdán álgooaivila máhcahanevttohussii, oaivilat leamašan miehtemielagat, nuba Leader Pohjoisin Lappi rs bivdá dál gielddaid virggálaš mearrádusaid evttohussii. Leader ráđđehus gieđahallá máhcaheami 11.12.2025 čoahkkimis, man maŋŋá máhcaheamiid figget oažžut máksui vel ovdal jahkedoajáldaga. Evttohus lea čoahkkimis oaidninláhkaí.

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha Leader Pohjoisin Lappi rs evttohusa gielddaid máhcaheamiid juohkinákkain.

Mearrádus Evttohus dohkkehuvvui.

**Lassemearreruhta Seitakartano ja rabasbálvalanguovddáža vistedutkamii.**

ealteknlg 07.11.2025 § 123

|                                         |                                                                                                                                                                                                                                                                                                                                                                                                                                                                                                                                                                                                                                                 |
|-----------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Válmmaštalli                            | Vd. Giddodathoavda Kontio Päivi<br><br>Ohcejoga rabasbálvalanguovddáža, ovddeš seangaossodaga ja Seitakartano bealde lea boahtán ovdan heajos sisáibmu, mii lea dagahan mánggalágán dávdamearkkaid sihke dálu olbmuid ja bargiide. Dávdamearkkat leat dokumenteren ja sajít gos dávdamearkkat bohtet ovdnan leat čielggaduvvon. Bargoaddi ja giddodaga eaiggát galgá reageret dillái. Dát ii leat dušše unna geahčadeapmi man vuodđun leat roava áiccut, muhto vuđolaš guorahallan mas čielggaduvvojit dávdamearkkaid vuodđosivat. Anára dearvvašvuodagohcinovttadagain čađahuvvon dili árvoštallama vuodul giddodaga ortnega galgá dárkkistit. |
| Áššemeannudeaddji                       | Vd. giddodathoavda Kontio Päivi                                                                                                                                                                                                                                                                                                                                                                                                                                                                                                                                                                                                                 |
| Mearrádusevttohus                       | Eallinfápmo- ja tehnikkalaš lávdegoddi ohcá lassemearreruđa juolludeami gielddaráđdehusas ja ain váldostivrras 10.000 euro áššedovdibálvalusaide gollobáiki 1715 200 002 kontui 434 001.                                                                                                                                                                                                                                                                                                                                                                                                                                                        |
| Mearrádus                               | Mearrádusevttohus dohkkehuvvui.                                                                                                                                                                                                                                                                                                                                                                                                                                                                                                                                                                                                                 |
| Gr 02.12.2025 § 228<br>77/02.02.02/2024 |                                                                                                                                                                                                                                                                                                                                                                                                                                                                                                                                                                                                                                                 |
| Áššemeannudeaddji                       | Vd. giddodathoavda Kontio Päivi                                                                                                                                                                                                                                                                                                                                                                                                                                                                                                                                                                                                                 |
| Mearrádusevttohus                       | Gielddaráđdehus dohkkeha ja evttoha ain váldostivrii dohkkehanláhkai lassemearreruđa 10.000 euro jahkái 2025 Seitakartano ja rabasbálvalanguovddáža vistiid ortnega dárkkisteapmái lávdegotti evttohusa mielde.                                                                                                                                                                                                                                                                                                                                                                                                                                 |
| Mearrádus                               | Evttohus dohkkehuvvui.                                                                                                                                                                                                                                                                                                                                                                                                                                                                                                                                                                                                                          |

**Doaibmaorgánaid mearrádusat**

Gr 02.12.2025 § 229

Lávdegottiid beavdegirjjit galget doaimmahuvvot gielddahovdii njealji beaivvi geažes beavdegirjji dárkkisteamis. Gielddaráđdehusas lea váldinvuoigatvuohta lávdegottiid, iežas juhkosa ja vuollásaš stivrra ja virgehálddašeaddji mearrádusaide. Váldinmearrádusa sáhhtá dahkat gielddaráđdehus dahje dan ságadoalli, gielddahoavda dahje stivrennjuolggadusas mearriduvvon virgehálddašeaddji. Váldinvuoigatvuođa galgá geavahit mañimustá njulgengáibádusáiggi siste. Geavatlaččat gielddahoavda dárkkista lávdegottiid mearrádusaid. Go gielddaráđdehus váldá beali váldinvuoigatvuođa geavaheapmái, merkejuvvojit dasa doaimmahuvvon beavdegirjjit diehtun ja seammás mearriduvvo, ahte váldinvuoigatvuohta ii geavahuvvo beavdegirjjiid sisdollui gullelaš áššiin. Beavdegirjjiid kopijiat eai laktojuvvo gielddaráđdehusa beavdegirjái, muhto dat galget leat lahtuid geavahusas gielddaráđdehusa čoahkkimiin.

Čuovvovaš doaibmaorgánaid beavdegirjjit leat oaidnin láhkai čoahkkinbáikkis: Čuvgehuslávdegoddi 18.11.2025, Eallinfápmo- ja teknikkalaš lávdegoddi 27.11.2025

Mearrádusevttohus

Gielddaráđdehus merke diehtun doaibmaorgánaid mearrádusaid ja gávnna, ahte GieldaL 51 § váldinvuoigatvuohta ii leat geavahuvvon.

Mearrádus

Evttohus dohkkehuvvui.

## Áššit diehtun

Gr 02.12.2025 § 230

Mearrádusevttohus      Gielddaráđđehus merke diehtun čuovvovaš áššebáhpáriid:

Lappi buresveadjinguovlu

- Guovlohálddahusa čoahkkindieđáhus 10.11.2025, Nuppástusat  
Mehiläinen Länsi-Pohja soahpamuššii

Lappi lihttu

- Váldostivrra beavdegirji 3.11.2025  
- Stivra, beavdegirji 10.11.2025

Mearrádus

Evttohus dohkkehuvvui.

**Lassemearreruhta eará ovttasdoaibmanossodagaide**

ealteknlg 27.11.2025 § 131

Huksenberráigeahču dán jagi bušeahtas ii leat várrejuvvon huksenberráigeahččobálvalusaid háhkan oastin bálvalussan. Dasa lassin visttiid berráigeahčču leat šaddan lassegolut n. 5000 euro ovddas olggobeale áššedovdibálvalusaid geavaheamis.

Áššemeannudeaddji Vd. giddodathoavda Kontio Päivi

Mearrádusevttohus Lávdegoddi ohcá ovdalis namuhuvvon ákkaid vuodul gielddaráđđehusas ja váldostivrras lassemearreruđa 13.000 euro gollobáikki 1 715 100 001 Huksenberráigeahčču ja báikeditobálvalusat ja doaimma 1 714 201 Huksenberráigeahču kontui 446 001 Eará ovttasdoaibmanossodagaide.

Mearrádus Mearrádusevttohus dohkkehuvvui.

Gr 02.12.2025 § 231  
77/02.02.02/2024

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha ja evttoha ain váldostivrii dohkkehnaláhkai lassemearreruđa 13.000 euro gollobáikki 1 715 100 001 Huksenberráigeahčču ja báikeditobálvalusat, doaimma 1 714 201 Huksenberráigeahču kontui 446 001 Eará ovttasdoaibmanossodagat.

Mearrádus Evttohus dohkkehuvvui.

**Lassemearreruhta áššedovdibálvalusaide**

ealteknlg 27.11.2025 § 132

Bázahusfuolahusa gilvalahttin ollašuhttui giđđat olggobeale áššedovdi vehkiin. EU-háhkama bokte ollašuhtton gilvalahttimis ráhkaduvvui maid márkankárten. Gilvalahttimis vuhtiiváldojuvvui maddái vejolašvuohta sirdit soahpamuša boahtteáiggis goalmmat oassebeallái.

Áššemeannudeaddji Vd. giddodathoavda Kontio Päivi

Mearrádusevttohus Lávdegoddi ohcá ovddabealde máinnašuvvon ákkaid vuodul gielddaráđđehusas ja ain váldostivrras lassemearreruđa 10.000 euro gollobáikki 1715000001, Eará bázahusfuolahusa golut kontui 434001 Áššedovdibálvalusat.

Mearrádus Mearrádusevttohus dohkkehuvvui.

Gr 02.12.2025 § 232  
77/02.02.02/2024

Áššemeannudeaddji Gielddahoavda Kontio Päivi

Mearrádusevttohus Gielddaráđđehus dohkkeha ja evttoha ain váldostivrii dohkkehanláhkai lassemearreruđa 10.000 euro gollobáikki 1715000001, Eanaviidodagat (Maa-alueet) kontui 434001 áššedovdibálvalusat.

Mearrádus Evttohus dohkkehuvvui.

**Lassemearreruhtaohcamuš eará sadjái sirdon oahppiid goluide**

Gr 02.12.2025 § 233  
192/02.02.02/2025

Čuvgehuslávdegoddi mearridii čoahkkimis 18.11.2025 (§ 90) fápmudit buresveadjinjoavdda dahkat dárbbu mielde lassemearreruhtaohcamuša gielddaráđdehussii ja váldostivrii dohkkehanláhkai, jos vuodđooahpahusa goluid ii sáhte gokčat čuvgehusdoaimma siskkáldas sirdimiiguin.

Jagi 2025 eará sadjái sirdojuvvon oahppiid goluide ii leat várrejuvvon gollobáiki jagi 2025 bušeahta ráhkadeamis. Bušeahtta válmmaštallojuvvui čakčamánu 2024. Goluid mearri čielggai easka bušeahta giedahallama maŋŋá . Dasgo lea navdimis ahte vuodđooahpahusa golut mannet badjel, ohccojuvvo lassemearreruhta 80.000€.

Áššemeannudeaddji      Gielddahoavda Kontio Päivi

Mearrádusevttohus      Gielddaráđdehus dohkkeha ja evttoha ain váldostivrii dohkkehanláhkai lassemearreruđa vuodđooahpahussii eará sadjái sirdojuvvon oahppiid goluide, árvvu mielde sullii 80 000€.

Mearrádus                      Evttohus dohkkehuvvui.

**Nuppástusohcanráva guoská paragrafaid: § 210, § 211, § 212, § 214, § 215, § 217, § 218, § 220, § 224, § 226, § 228, § 229, § 230, § 231, § 232, § 233**

## **NUPPÁSTUSOHCANGIELDDUS**

Dán mearrádusas ii oaččo dahkat vuigengáibádusa iige gielddaváidaga, dasgo mearrádus guoská

- gieldalága 136 § mielde dušše válmmaštallama dahje ollašuhttima
- bargo- dahje virgeeaktosoahpamuša dulkoma, heiveheami
- bargojodihan- ja bearráigeahččanvuoigatvuoda geavaheami

**Nuppástusohcanráva guoská paragrafaid: § 213****VÁIDDAČUJUHUS**

Dán mearrádussii ohccojuvvo nuppástus hálddahusváidagiin.

**Váidinvuoigatvuohta**

Dán mearrádussii oažžu ohcat nuppástusa dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha ja dat, gean váidinvuoigatvuođas lágas sierra áсахuvvo. Eiseváldi oažžu ohcat nuppástusa váidimiin maiddái, jos váidimii lea dárбу almmolaš ovddu dihte, man eiseváldi gohcá.

**Váidináigi**

Váidaga galgá dahkat 30 beaivve geažes das, go lea ožžon mearrádusa diehtun.

Váidaga galgá doaimmahit váiddaeiseváldái mañimustá váidináiggi mañimuš beaivve ovdal, go váiddaeiseváldi doaimmahat giddejuvvo.

Gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža beaivve geažes reive sáddemis. Gehččojuvvo goittotge, ahte eiseváldi lea ožžon mearrádusas dieđu dan beaivve, go reive lea boahtán.

Go geavahuvvo dábálaš elektrovnnalaš diehtunaddin, de gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, goalmmát beaivve dieđu sáddemis.

Diehtunoažžunbeaivi ii rehkenastojuvvo váidináigái. Jos váidináiggi mañimuš beaivi lea bassebeaivi, iehčanasvuođabeaivi, válborbeaivi, juovla- dahje mihcamárruohtta dahje árgalávvardat, de váidaga oažžu dahkat vuosttas árgabeaivve dan maññá.

**Váiddaeiseváldi**

Váidda dahkkojuvvo Davvi-Suoma hálddahusriektái (Pohjois-Suomen hallinto-oikeus)

Poastačujuhus: PL 189, 90101 OULU  
Uksačujuhus: Torikatu 34-40, Oulu  
Telefonnummir: 029 564 2800  
E-boasta: [pohjois-suomi.hao@oikeus.fi](mailto:pohjois-suomi.hao@oikeus.fi)

Váidaga sáhtta dahkat maid hálddahus- ja erenoamášduopmostuoluid áššedikšunbálvalusas čujuhusas <https://asiointi2.oikeus.fi/hallintotuomioistuimet>

**Váidaga hápmi ja sisdoallu**

Váidaga galgá dahkat čálalaččat. Maiddá elektrovnnalaš áššegirji deavdá čálalaš hámi gáibádusa.

Váidagis galgá almmuhit:

- 1) mearrádusa, masa ohcá nuppástusa (*váidinvuloš mearrádus*);
- 2) man dáfus mearrádussii ohcá nuppástusa ja maid nuppástusaid dasa gáibida (*gáibádusat*);
- 3) gáibádusaid vuodustusat;
- 4) masa váidinvuoigatvuohta vuodđuduvvá, jos váidinvuloš mearrádus ii guoskka váidi.

Váidagis galgá lassin almmuhit váidi nama ja oktavuohtadieđuid. Jos sátneválldi geavaha váidi lágalaš ovddasteaddji dahje fápmuduvvon olmmoš, de maiddá su oktavuohtadieđuid galgá almmuhit. Jos oktavuohtadieđut rivdet dalle, go váidda lea biddjojuvvon johtui, galgá dieđuid rievdamis almmuhit hálddahuosduopmostullui farggamusat.

Váidagis galgá almmuhit maiddá dan boastačujuhusa ja vejolaš eará čujuhusa, masa riektegeavvama áššegirjiid sáhtá sáddet (*proseassačujuhus*). Jos váidi lea almmuhan eambbo go ovttá proseassačujuhusa, de hálddahuosduopmostuollu sáhtá válljet, guđemuš almmuhuvvon čujuhussii dat doaimmaha riektegeavvama áššegirjiid.

Váidagii galgá laktit:

- 1) váidinvuloš mearrádusa ja váiddačujuhusa;
- 2) čielggadusa das, goas váidi lea ožžon mearrádusa diehtun dahje eará čielggadusa váidináiggi álginbeaivvis;
- 3) áššegirjiid, maid váidi geavaha gáibádusaidis doarjjan, jos dat eai leat juo ovdal doaimmahuvvon eiseváldái.

**Riektegeavvanmáksu**

Das, gii bidjá nuppástusohcanášši johtui, berrojuvvo riektegeavvanmáksu dan mielde, go duopmostuollolágas (1455/2015) ásahuvvo.

**Beavdegirji**

Mearrádusa guoskevaš beavdegirji váldosiid ja čuvvosiid sáhtá bivdit Ohcejoga gieldda girjenkantuvrras.

|                 |                          |
|-----------------|--------------------------|
| Poastačujuhush: | PL 41, 99981 OHCEJOHKA   |
| Uksačujuhush:   | Luossa 1a Ohcejohka      |
| E-boasta:       | kunnanvirasto@utsjoki.fi |
| Telefonnummir:  | 040 188 6111             |

Girjenkantuvra lea rabas vuossárggas bearjadahkii dii. 9.00 – 15.00.

Beavdegirji lea 9.12.2025 dolvojuvvon oaidninláhka almmolaš diehtofierbmái čujuhussii [www.utsjoki.fi](http://www.utsjoki.fi).

Nuppástusohcanráva guoská paragrafaid: § 216, § 219, § 221, § 222, § 223, § 225, § 227

## VUIGENGÁIBÁDUSRÁVVAGAT

Dán mearrádussii duhtameahttun olmmoš sáhtá dahkat čálalaš vuigengáibádusa. Mearrádussii ii oaččo ohat nuppástusa duopmostullui váidimiin.

### Vuigengáibádusvuoigatvuohta

Vuigengáibádusa oažžu dahkat:

- dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdii mearrádus njuolga váikkuha (*áššáiosolaš*) ja
- gielda lahttu.

### Vuigengáibádusáigi

Vuigengáibádusa galgá dahkat 14 beaivve geažes das, go lea ožžon mearrádusa diehtun.

Vuigengáibádusa galgá doaimmahit Ohcejoga gielda girjenkantuvrii mearreáiggi manjmuš beaivve ovdal girjenkantuvrra giddaneami.

Gehččojuvvo, ahte *áššáiosolaš* lea ožžon mearrádusas dieđu, jos ii eará čájuhuvvo, čieža beaivve geažes reivve sáddemis. Go geavahuvvo dábálaš elektrovnnalaš diehtunaddin, de gehččojuvvo, ahte *áššáiosolaš* lea ožžon mearrádusas dieđu, jos ii eará čájuhuvvo, goalmmát beaivve dieđu sáddemis.

Gehččojuvvo, ahte *gielda lahttu* lea ožžon mearrádusas dieđu čieža beaivve geažes das, go beavdegirji lea leamaš oaidninláhkai almmolaš diehtofierpmis.

Diehtunoažžunbeaivi ii rehkenastojuvvo vuigengáibádusáigái. Jos vuigengáibádusáiggi manjmuš beaivi lea bassebeaivi, iehčanasvuođabeaivi, válborbeaivi, juovla- dahje mihcamárruohtta dahje árgalávvardat, de vuigengáibádusa oažžu dahkat vuosttas árgabeaivve dan manjá.

### Vuigengáibáduseiseváldi

Eiseváldi, gosa vuigengáibádus dahkkojuvvo, lea Ohcejoga gielddaráđdehus

Girjenkantuvrra oktavuohtadieđut:

Poastačujuhush: PL 41, 99981 OHCEJOHKA  
Uksačujuhush: Luossa 1 a, 99980 OHCEJOHKA  
E-boasta: kunnanvirasto@utsjoki.fi  
Telefonnummir: +358 40 188 6111

Registrerenkantuvra lea rabas vuossárggas bearjadahkii dii. 9.00 – 15.00.

### **Vuigengáibádusa hápmi ja sisdoallu**

Vuigengáibádusa galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Njulgengáibádusas galgá almmuhit:

- mearrádusa, masa ohcá vuigema
- man láhkai mearrádusa galgá vuiget
- mainna ákkain gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusmearrádusa sáhhtá addit diehtun elektrovnnalaš diehtun, de bivdit almmuhit oktavuohtadiehtun maiddái e-boastačujuhusa.

### **Beavdegirji**

Mearrádusa guoskevaš beavdegirjji váldosiid ja čuvvosiid sáhhtá bivdit Ohcejoga gieldda girjenkantuvrras.

Beavdegirji lea 9.12.2025 dolvojuvvon oaidninláhkai almmolaš diehtofierbmái čujuhussii [www.utsjoki.fi](http://www.utsjoki.fi).